

ლიტერატურული მარათონის სატენდერო პირობები

ლიტერატურული მარათონი ჩატარდება აჭარის ადმინისტრაციულ ტერიტორიაზე არსებული ზოგადსაგანმანათლებლო დაწესებულებების VII-XII კლასების მოსწავლეებისთვის კატეგორიების შესაბამისად:

ა) I კატეგორია - VII – IX კლასები;

ბ) II კატეგორია - X – XII კლასები.

ვადები

მარათონი ჩატარდება ორ ტურად (პირველი და მეორე). ორივე ტური უნდა ჩატარდეს **2023 წლის მარტი-ივნისის თვეში**.

ტურების ორგანიზება

პირველი ტური

1. პირველი ტური ჩატარდება ორ ეტაპად ელექტრონულად ზოგადსაგანმანათლებლო დაწესებულებებისა და რესურსცენტრების ხელშეწყობით ინტერნეტში (სამინისტროს ოფიციალურ ვებ-მისამართზე) განთავსებული ტესტების საფუძველზე;
2. ლიტერატურულ მარათონში მონაწილეობისთვის მოსწავლეების რეგისტრაციასა და პირველი ტურის ჩატარების ორგანიზებას უზრუნველყოფს სამინისტრო.
3. მეორე ტურში მონაწილეებს კატეგორიების შესაბამისად გამოავლენს სამინისტრო.
4. მეორე ტურში თითოეულ კატეგორიაში გადავა არაუმეტეს 35-35 მოსწავლისა.

მეორე ტური

1. მეორე ტური უნდა ჩატარდეს I და II კატეგორიისთვის ცალცალკე წამყვანთან ერთად წერილობით პირისპირ შერკინების ფორმით.
2. მეორე ტური ჩატარდება ქ. ბათუმში შესაბამისად აღჭურვილ და მოწესრიგებულ გარემოში. (შერჩეულ უნდა იქნას ხუთვარსკვლავიანი სასტუმროს საკონფერენციო დარბაზი) საკონკურსო სივრცის მოწყობა მოეთხოვება ტენდერში გამარჯვებულ მიმწოდებელს, რაშიც იგულისხმება: მოსწავლეთა რეგისტრაციისთვის და კატეგორიების მიხედვით გამოყოფილი სივრცეების მოწყობა, მოსწავლეთა რაოდენობაზე გათვლილი ინდივიდუალური მერხების, სკამების, წყლის და შესაბამისი საკანცელარიო მასალების (კალმები, თაბახის ფურცლები პასუხების დასაწერად, თითოეულ ფურცელზე დატანილი უნდა იყოს მოსწავლის სახელი და გვარი) უზრუნველყოფა.
3. მეორე ტური უნდა მიმდინარეობდეს შესაბამისი კომისიის მონაწილეობით.
4. შესაბამისი კომისია კატეგორიების მიხედვით კონკურსს ატარებს აჭარის ავტონომიური რესპუბლიკის განათლების, კულტურისა და სპორტის მინისტრის 2023 წლის 26 იანვრის N01-11/16 ბრძანებით დამტკიცებული დებულების შესაბამისად.

კომისია

1. ორივე კატეგორიაში პირველი და მეორე ტურის ჩასატარებლად ლიტერატურის ჩამონათვალსა და ტესტების მიწოდებას უზრუნველყოფს სამინისტრო
2. შესაბამისი სპეციალისტებისგან (არანაკლებ 4) დაკომპლექტებული კომისია, რომლებსაც უნდა ჰქონდეთ:
 - უმაღლესი განათლება (მაგისტრი/სასურველია დოქტორი);
 - გამოცდილება მსგავსი ტესტების მომზადებაში)

ატარებს მეორე ტურს, აფასებს მონაწილეებს.

მომსახურება

1. ტენდერში გამარჯვებული მიმწოდებელი სამინისტროს აბარებს:
 - ხელშეკრულების დადებიდან არაუგვიანეს **7 კალენდარული დღისა** კომისიის წევრთა მონაცემებს დამადასტურებელ დოკუმენტებთან ერთად;
 - ინფორმაციას მეორე ტურის ჩატარების ადგილის შესახებ შესათანხმებლად;

პროცედურული დარღვევებისა და შედეგების გასაჩივრება

1. პირველი ტურის შედეგების თაობაზე თითოეული კატეგორიის მიხედვით წარმოშობილი დავები განიხილება აჭარის ავტონომიური რესპუბლიკის განათლების, კულტურისა და სპორტის სამინისტროს მიერ; მეორე ტურის პროცედურული დარღვევებისა და შედეგების თაობაზე თითოეული კატეგორიის მიხედვით წარმოშობილი დავები განიხილება ტენდერში გამარჯვებული კომპანიის მიერ დაკომპლექტებული კომისია.